

札布巴勒楚勒齊木不法革遣之達賴尙幼訪於班禪以成其獄失蕃人心及班禪返後藏蕃人敬禮大衰班禪泣而悔之乍雅大二呼圖克圖旣以搆兵結訟類伍齊之大二呼圖克圖亦以爭權不睦西方之教不亦衰甚矣乎

西藏達賴刺麻班禪額爾德尼冬帽以氊氊牛羖製成其式上尖下大色尙黃夏帽若笠純金以皮爲之內衣氊氊半臂外衣紫羊羖偏單以帛交縛於上著錦韉或皮履腰束帛如帶春冬皆露半臂餘刺麻服飾亦相似所屬噶布倫戴綳磔巴等髮不束不縮披肩後戴平頂栽絨緞狐各帽綴短纓或覆獺皮於頂手持念珠束皮鞢帶遇令節或

公事噶布倫兩分其髮於頂左右縮一髻著蟒緞或氊氊細緞褚巴磔巴亦將髮縮成一髻戴無翅白紗帽卽唐進士巾遺制左耳垂金鑲綠松石墜大如桃其形似鳥喙名璫璫右

耳垂珊瑚墜用大珊瑚兩顆上下金鑲名工工身著大領窄袖綠錦短衣緣以獺皮袖口用五色線相接前鑲獺皮下著黑褐百摺裙名郭在足著白軟底皮韉披紅褐偏單佩刀束大紅花緞帶白噶布倫下至番民手俱帶骨玦番民著大領無袂褚巴或氊氊細氊視其貧富爲之而所戴之帽亦然或戴白帽腰束皮或毛褐帶佩小刀順刀碗袋火鐮等物懷木碗其襯於襠內開袂腰兩旁亦開袂裝積